

## BOCHOR REAK 29AK AṬHWAR

### Onor

Kristre aḍi manotan ḍulariḡ Go-Baba, boeha-miserako- jotoko Jisu marań

Teheń do bochor reak bar gel eraḷak Aṭhwar kana ar teheńk aṭhwar do mission aṭhwar kana.

Nonḍe haḡir sanam hoḡe laṭu hoḡ hoyok reak laṭu –kaṭic kukmu do menaktabongea, okoe hō kaṭic hoḡ tãhēn reak kukmu do bako nelletkana. Adhom hoḡak kukmu do saḡige saḡikkana menkhan adom hoḡkoak kukmu do tisce bań saḡikkana. Dharti hoḡko do laṭu hoḡ hoyok laḡit aema lekanak daharko pańjaetkana- adhom ko hoḡko lut kate, adhomko hoḡko eḡekate, adhom ko ṭhoḡkate, adhom ko do eṭak hoḡ khun kate, ar adhom eḡe sakhi kate ar adhomko do disom hoḡko nostokate, laṭu hoḡ hoyok reak kukmu menaktakua. Menkhan aboren Probhu Jisu do onkan laṭu hoḡ hoyok reak kukmuko babot do bae laḡiabonkana. Uniak katha lekate laṭu hoḡ hoyok laḡitte Uniak naḡuna pańja hoyoka.

### Teheńbon kulikma:

Ceṭ abo sanamko do uniak naḡuna pańja laḡitbon sapraogea?

Ceṭ abo sanamko do Uniak katha boń anjometkana?

Ceṭ abo sanamko do Uniak bhage sombat jahir laḡitbon kuḡumutuetkana?

### Paḡhil Paṭ

**Isayash naḡi puṭhi khon tehenak paḡhil paṭ Jesaea 53:10-12**


[10] Probhu Isor do ac'ak' kusilekage uniye talga taṭaḡ' ocokedeaa ar duke jom ocokedeaa. Probhu Isorren golam do tinre ac'ak' jiwiyee samaṅtaea unre uni do ac'ren hoponkoe nel namkoa ar uniyak' bahaok' dine barhaotaea; uni hotetege Probhu Isorak' sana do puraḡuk'a. [11] Uni do ac'ak' jiwii reak' duke nela are tirpitok'a; Probhu Isore meneda, 'ińre dhorom golam do ac'ak' baḍaete ḍher hoḡkoe dhorom ocokoa, ente uni do onkoak' sanam ghaṭkoe gogtakoa. [12] Ona iṭe iń do naprak'ko talareń bakhrawaea ar uni do daḡeanko tuluc' luṭak'koe bakhra jońa, ente uni do gujuk' haḡic' jiwiyee alaeket'taea. Uni do kaḡyanko tuluc'e lekha mit'ena; uni do ḍher hoḡkoak' kaḡye gok' idikeda ar ghaḡhaṭko nutumteye arojkada.

**Noage Probhuak' Katha do...**

### Sereń Ruarok' Oḡhē 35:4-5, 18-20

**E probhu, Amak' ḍulaḡ bare ale cetanre takenma, Oka nam Amrele asakan.**

1. Probhuak' katha do hokangea,  
Ar Uniak sanam kamiko do paṭiḡgea.  
Uni do dhorom ar hoke baṣutakkana:  
Probhuak' ḍulaḡte dharti do perecakana.



Fr. Nicholas Besra SDB

2. Nélpe, Probhu do Ac batoraekan,  
Ar Acak dayare bhorsakkankoe beńgekakoa,  
Jemon gujuk khon onkoak jiwiyé rukhiatiko,  
Ar akalre jiwetgeye dohoko.



3. Abonak jwi do Probhui nel horekana:  
Uni do abonak goró ar phiri kanae.  
E Probhu, Amak dular bare ale cetanre takenma.  
Oka nam Amrele asakan.

## Dosar Pať

### Ibriko lađit Puťhi khonak tehenak Dosar Pať      Ibriko 4:13-16

[13] Sirjon reak' okaťak' hō Isor then do okoan' banuk' anań. Okoe then aboak' hisab emok' hoyok' uni then do sanamak' ge oťak' gea ar sodorgea. [14] Onate dela, abon do hamesate Isorren Hopon Jisure aboak' paťiau bon ańgoc ma, ente uni kangeae aboren marań naeke, one okoe do sernare senkate nit Isor samaire menae. [15] Aboren marań naeke do nonkanic' doe bańkana one okoe aboak' nijortet're abo tuluc' duk bae nam, ente abo leka uni hō joto sec' khonge kaťi reak' biđau samaireye teńgolena menkhan bae kaľeda. [16] Onate dela, dil salak' Isorak' daya reak' sińghason then bon sen sorok'ma, jemon jarura bon oktere onđe khon uniyak' daya ar goró bon nam daťreak'.

**Noage Probhuak' Katha do...**

## Sarhao Arań

Alleluia!


Manwa Hopon do sewa lađit ar ađi utar horko bodolte,

Chakdao dam mente, Acak jwi aklaeye hećakana.

Alleluia!

## BHAGE SOMBAT

### Sonot Markuse olakať leka Bhage Sombat      Mark 10:34-45



[34] Ar bońgan hor jatrenko do uniko nisrauea ar hormoreko thoaea ar ćabuk barakateko gojea. Ar pe mańhā hilok're uni do arhōe jiwet' beredok'a." [35] Ado Sabdaeren hopon Jakob ar Johan do Jisu then hec'katekin menkeda, "E Guru, alinať menjońak' do noage, alin okalin koeme am do onagem onkawaľina." [36] Jisui metat'kina, "In do aben lađit' cet'in cekaea? Ar cet'ben khojkana?" [37] Unkin dokin menkeda, "Am do tinre thonokantem rajok'a unre alin modre mit' hor do amak' jojomsa arere ar mit' hor do amak' leńgasa arere jemon lin durup' daťreak'." [38] Jisui metat'kina, "Okatať ben khojkan, ona do baben bađaea. Oka duk reak' baťireń nui lađidok'

kan ona do cet' ben nũ dareak'gea? Se oka bap̄tismateñ bap̄tis lağidok'kan ona do cet' ben atañ dareak'gea? [39] Metadeakin, "Hẽ dareak'gea liñ." Unre Jisui metat'kina, "In̄ oka duk reak' bañireñ nũ aben hõ ona reañ ben nũiya, ar oka bap̄tismañ atañ, aben hõ ona ben ataña, [40] menkhan in̄ak' jojomsa ar leñgasare duřup' ben reak' ektiari do banuk'tiña. Onako jaega do okoe lağit' tear akan eken onkogeke nama." [41] Ar onko gel celako do noa katha añjomkate Jakob ar Johan uparte ađiko edreyena. [42] Unre Jisu do sanamko mit' domte hohoat'koteye metat'koa, "Bađaegeape, boñgan hoř jat̄koren do disam cak'laokoge onkoren Probhuko hoyok' kana ar onkoren mukhiyağoke onko cetanre ektiarike calaoeda. [43] Menkhan apeko talare onka hoyok' do lek bankana, bickom ape modre jãhãege marañ hoyok'e menjonkan khan uni do apereñ sap'dap'ic'e hoyok'ma, [44] Ar jãhãe pañilic' hoyok'e menet' khan uni do jotokoren golame hoyok'ma. [45] Disaipe, Manwa Hopon do sap'sor ocok' lağit' do ban bickom sap' sosorgeye hec'akana ar ađi utar hořkoak' chađaok' reak' dam lekate onkoak' jiwi bodolte ac'ak' jiwi emok'geye hec'akana."

### Noage Probhuağ Jisuağ Bhage Sombat do...

#### Dhorom Galmarao

Kristre ađi manotan đularia Go-Baba, boeha-miserako- jotoko Jisu marañ

Teheñak Bhage Sombat do Jisuağ jion reak' miñten asol bhag reak' hisakana oka re Uni do Aćak darae kan harkhet sestet, gujuk ar gujuk tayom jion menak' babot reye laiyetkana. Niã saote joto khon lađu doe okoe kana, ona babot re galmarao menaka. Lađu hoyok' do joto hořakontor tetañ kana. Serma disom re lađu hoyok' reak' namuna do Jisu re menaka ar dharti re lađu hoyok' reak' namuna do celako hotete uduakana menkhan Jisu do jaejug dhađic' lađu taken lağite hohoyetkana. Dela teheñak Bhage Sombat do ařibandiena:

#### 1. Lađu hoyok' reak' bebuj ağıil ar budhi:

[35] Ado Sabdaeren hopon Jakob ar Johan do Jisu then hec'katekin menkeda, "E Guru, ağıinak' menjonak' do noage, ağıin okaliñ koeme am do onagem onkawağıina." [36] Jisui metat'kina, "In̄ do aben lağit' cet'in̄ cekaea? Ar cet'ben khojkana?" [37] Unkin dokin menkeda, "Am do tinre thonokantem rajok'a unre ağıin modre mit' hoř do amak' jojomsa ařere ar mit' hoř do amak' leñgasa ařere jemon liñ duřup' dareak'."

Teheñak jug re lađu hoř lekhağ reak' jinis ko do hoyokkana-paisa- taka, sona-candi, jaga-jomi, char caka gađi, bhage dolan orağ emanteako. Ar hõ miñ rokomak' lađu hoř hoyok' reak' nisã do kana- somaj re ađari, somaj re miñten bhage kami, dol ren hisa hoyokte, somajre ağıuric' hoyokte, somajre man-soman hotete oka do ağıil hotete ar dhon hotete hijukkan. Niã ko do dharti ren hoř ko hotete banoakan, sosağga kana miñten lađu hor hoyok' reak'.

Aboko hõ Jakob ar Johon leakage, niã dharti re, siñhason nam lağitbon kurumutuetkana. Adhom okte re do siñhason jojomsa ar leñga sec' duřup' reak' kukmu menak' tabona. Adhom ko do niã re hijuk' lağit' te aema rokom hõ ko apanarjonkana. Lađu hoř ar lađu jaega re seřerok' lağitte, bhage dahar pañja ađi jařura ar bacric' dahar do thořa din lağitge lađu hoře benaobona. Bacric' dahar apanar kate abo ko do ađi usarage lađu horbon hoe đareyaka menkhan jařti din lağit' do bañge. Tire juge lağit' lađu hoř hoyok' lağitte, Jisuağ namunage pañja hoyoktabona.

## 2. Jisu kristak harkhst saset re seledok te latu hor:

[38] Jisui metat'kina, "Okatak' ben khojkan, ona do baben badaea. Oka duk reak' batiren nuu lagidok' kan ona do cet' ben nuu dareak'gea? Se oka bapismetan baptris lagidok'kan ona do cet' ben atan dareak'gea? [39] Metadeakin, "He dareak'gea lin." Unre Jisui metat'kina, "In oka duk reak' batiren nuu aben ho ona rean ben nuuya, ar oka baptsiman atan, aben ho ona ben atana,

Noa dharti re, Latu hor hoyok reak dahar do adi alga do ban kana menkhan serma disom re latu hor hoyok reak dahar do adi do ban algawa. Jisu panjate latu hor hoyok reak dahar re do janum jhawa k oar aema rokomak duk-kosto te perecakana menkhan muat're sarige jaejug latu hoyok reak sabhasi namokkana- serma puri. Uni saote durup lagitte, duk-kosto, jion reak muskilakko, ar somoy- somoy re santao ko ho sahaokak jarur kana.

Jisu panja do uniak harkhet re seledokkana. Tehen, Jisu panjate aema rokom do man-soman do banuka menkhan atu sec lekate, panchayat sec lekate, jila sec lekate ar disom sec lekate aema rokomar santao kamiko jaoge menaka. Jisu ren cela hoyok lagitte, jirau ar muskilak begor jion do banuka. Uni ren cela ar jaejug lagit latu hor hoyokbon menjon kan khan uni leka cibanoak hoyok, uni leka sewa hoyoka, uni leka jion reak harkhet saset ko sahao hoyoka. Menkhan uniak dahar sarige panja lekhan sabasi do jaejug lagitge kana.

## 3. Maran hoyok reak dahar do sewa reak dahar kana:

"[42] Unre Jisu do sanamko mit' domte hohoat'koteye metat'koa, "Badaegeape, bongon hor jatcoren do disam cak'laokoge onkoren Probhuko hoyok' kana ar onkoren mukhiyakoge onko cetanre ektiariko calaoeda. [43] Menkhan apeko talare onka hoyok' do lek bankana, bickom ape modre jahaege maran hoyok'e menjonkan khan uni do aperen sap'dap'ic'e hoyok'ma,"

Serma disom re latu hor hoyok reak dahar do noa dharti rege ehobokkana. Serma disom re latu hor hoyok reak dahar do- sewa reak dahar kana. Abo ren Probhu Jisu do se sewa ocuk lagit do ban menkhan sewa kami lagit geye heclena. Uniak joto lekanak kami ko ge sewa reak kamiko kana. Uni do Baba hotete, dharti ren sanam ko sewa lagite kuloculena. Etak horoko janga latar re doho ko hotete, latu hor do babon hoe dareyaka. Abo sanamko do sewa rez dahar apnar kate Jisu leka lwtu hor bano jarur tabona. Uni do jaoge horkoak jarurak nel nam katec ona lekae kamikeda.

## 4. Mahir mon hoyokte etakko ayur reak namuna Jisure:

"[44] Ar jahae pahilic' hoyok'e menet' khan uni do jotokoren golame hoyok'ma. [45] Disaipe, Manwa Hopon do sap'sor ocok' lagit' do ban bickom sap' sosorgeye hec'akana ar adi utar horkoak' chadaok' reak' dam lekate onkoak' jiji bodolte ac'ak' jiji emok'geye hec'akana."

Tehen do sanam ko ge, abo sanamko latu hor hoyok reak sandese emabonkana. Jisua namuna do tehen do banje nel namoka cedak je tehen usarate latu hor se maran hor reak dahar kodo aema menaka. Jisu do abo lagit acak namuna panja lagite metakbon kana. Latu hor se maran hor hoyok reak dahar, Jisu hotete udukakan dahar re taran hor do adigeke thoragea. Uni abo sanamko mit- etak horoko sewa lagite hohoabon kana.

Tina Jisua namuna bon panjaea, tinak uniak katha lekabon calaka, tinak uni leka duk-kosto ar muskilak bon sahao, unakge latu horbon hoyoka. Jius panja dahar re do muskilak te perecakana, menkhan muat' re maran sabasi menaka.

Tinak din lagit latu hor se maran hor benao bon menjon kana? Jodi thora din lagit latu hor se maran hor benao bon menjon kan khan- dharti reak dahar panjate namoka. Ar Jodi jaejug lagit latu hor se maran hor benao bon menjon kan khan, Jisua dahar bon panjaema.

## Nehor Koe

Kristre ðulariã Go-Baba, boeha-miserako, aboren Probhu Jisu do noa kathae menakada, “Manwa Hopon do sap’sor ocok’ laġit’ do bañ bickom sap’ sosorgeye hec’akana ar ađi utar hořkoak’ chađaok’ reak’ dam lekate onkoak’ jiwi bodolte ac’ak’ jiwi emok’geye hec’akana.” Dela unibon ataniń ar uni leka bon hoyok. Dela aboak koe- arojko, unibon samańaema. **Aboak roř ruar do:**

### **E Probhu aleak koeko anjomtaleme.**

E Baba Isor, ale do aleren Girjaren Gułpić, Dhorom Papa Pharancis laġit’le nehorokkana, dayatamte, amak dular reak’ umulre dohokaeme jemon uni do Jisual namuna sap’ kate maħir hoekate joto hoř bhage dahar reye ařurko ar acak manwa sewa kamite bhage isaı hoyok reak namuna jotoko samańreya dohoe. Noa laġit’ debon koema.

### **E Probhu aleak koeko anjomtaleme.**

E Baba Isor, ale do ale dhorom subaren ařuić aboren Bishop Baba- ..... laġit’le nehorokkana, dayate amak daya dular ar amak dante pereckaeme jemon uni do bhage Gupiycak namuna sapkate nijorko, khamakanko, ruałkanko, kamjorakanko ar somaj reak nojor khonko nurakanko jemone řewen rakapko. Noa laġit’ debon koema.

### **E Probhu aleak koeko anjomtaleme.**

E Baba Isor, ale do sanam dharti manwako laġit’ nehorokkana, daya kate amak saħaite pereckome jemon sanam hoř do hařin reak saħaiko nam ar joto hoř talare dular janamok ar řari dular pasnaok. Noa laġit’ debon koema.

### **E Probhu aleak koeko anjomtaleme.**

E Baba Isor, ale do ale ařu-tolaren juan kořa-kuriko laġit’le koeyet’kana, Amak daya-dular unko cetan re jhalkao ocueme jemon unko do somajre hamal bujha do bañ menkhan somaj reak laħanti laġit’ ko laha arko kamie. Noa laġit’ debon koema.

### **E Probhu aleak koeko anjomtaleme.**

E Baba Isor, ale onko sanam isaı boeha-miserako laġit’le koeyet’kana, okoe ko do dhartire besulokko pasnaoetkan, unko cetan re amak saħai de řarieme jemon unkoak mone bodolok te sanam hořko talare sulok-niraiko pasnao. Noa laġit’ debon koema.

### **E Probhu aleak koeko anjomtaleme.**

E Baba Isor, ale nonde ħajir menakko sanam isaı boeha-miserako laġit’le koeyet’kana dayatamte amak bhor dan de řarieme jemon ale sanamko do maħir-mon hořle hoyokte amak namunate pańja dařeyak. Noa laġit’ debon koema.

### **E Probhu aleak koeko anjomtaleme.**

**Ařyurić:** E Babanaoic Jisu, ale amle sarhaoetmea cedakje am do ale sanamko laġit’, amak bhage namunak dohoakatlea. De gořo emalem jemon ale do nijak jionre amak namuna jhalkao ocue reak saħai do jemon le nam. Ini aleren Probhu Krist hotete. **Amen.**

-----  
Fr. Nicholas Besra SDB